



Broj: 13-11-4-8649/23

Datum: \_\_.12.2023. godine

Na osnovu člana 70. stav (5) Zakona o javnim nabavkama BiH ("Službeni glasnik BiH" br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), a na prijedlog Komisije za javnu nabavku roba, radova i usluga, Općinski načelnik d o n o s i

## ODLUKU O KVALIFICIRANOSTI PONUĐAČA U PREGOVARAČKOM POSTUPKU BEZ OBJAVE OBAVJEŠTENJA O NABAVCI

### I

Zahtjev za učešće i kvalifikaciona dokumentacija ponuđača **LIBUSOFT CICOM d.o.o. Zagreb**, ocijenjena je na prijedlog Komisije za javnu nabavku roba, radova i usluga kao prihvatljiva i ista ispunjava tražene kvalifikacione uslove, odnosno zahtjeve ugovornog organa tražene tenderskom dokumentacijom za fazu pretkvalifikacije u postupku nabavke usluga „Održavanje softvera za registar nekretnina“.

### II

Ova Odluka stupa na snagu danom donošenja, a dostaviti će se ponuđaču/kandidatu koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

### Obrazloženje

Postupak javne nabavke proveden je putem pregovaračkog postupka bez objave obavještenja o nabavci, a pokrenut je na osnovu Odluke Općinskog načelnika broj: 13-11-4-8649/23 od 25.10.2023. godine.

Procijenjena vrijednost javne nabavke sa PDV-om je: 12.500,00 KM (slovima: dvanaesthiljadapetstotina i 00/100 konvertibilnihmaraka).

Informacije o pregovaračkom postupku bez objave obavještenja o nabavci broj: 935-4-2-222-20-5/23 od 06.11.2023. godine, i ispravka za informacije o pregovaračkom postupku bez objave obavještenja broj: 935-4-2-222-21-1/23 od 16.11.2023. godine

Komisija za javne nabavke roba, radova i usluga je imenovana Rješenjem broj: 01-30-5-8227/23 od 17.10.2023. godine.

U predmetnom postupku utvrđeno je da je Komisija za javne nabavke roba, radova i usluga izvršila otvaranje i ocjenu zaprimljenog zahtjeva za učešće i pretkvalifikacione dokumentacije, o čemu je sačinila Zapisnik, u kojem je utvrđeno slijedeće:

Nakon izvršenog otvaranja zaprimljenog zahtjeva za učešće i pretkvalifikacione dokumentacije, Komisija za javne nabavke je pristupila analizi dokumentacije, u smislu provjere njene validnosti, s obzirom na iskazane zahtjeve ugovornog organa u tenderskoj dokumentaciji za fazu pretkvalifikacije, odnosno pregledu dokumentacije u skladu sa procedurama i pravilima utvrđenim tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Iz Zapisnika o ocjeni sposobnosti (kvalifikovanosti) ponuđača vidljivo je da je do dana 07.12.2023. godine, pristigao zahtjev za učešće i pretkvalifikaciona dokumentacija slijedećeg ponuđača:

Red. Br.	Naziv i sjedište ponuđača	Datum prijema zahtjeva za učešće
1.	LIBUSOFT CICOM d.o.o. Zagreb	05.12.2023. godinu u 11:14 sati

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da dostavljena kvalifikaciona dokumentacija i zahtjev za učešće ponuđača/kandidata LIBUSOFT CICOM d.o.o. Zagreb ispunjava tražene kvalifikacione uslove, odnosno zahtjeve ugovornog organa tražene tenderskom dokumentacijom za fazu pretkvalifikacije.

Komisija za javne nabavke roba, radova i usluga je jednoglasno predložila Općinskom načelniku da donese Odluku o kvalificiranosti ponuđača u pregovaračkom postupku bez objave obavještenja o nabavci kojom zahtjev za učešće ponuđača LIBUSOFT CICOM d.o.o. Zagreb ispunjava tražene kvalifikacione uslove, odnosno zahtjeve ugovornog organa tražene tenderskom dokumentacijom za fazu pretkvalifikacije. u javnoj nabavci „Održavanje softvera za registar nekretnina“.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka donesena u skladu sa Zakonom o javnim nabavkama, podzakonskim aktima i tenderskom dokumentacijom.

**Pouka o pravnom lijeku:**

Ponuđač/kandidat koji je učestvovao u postupku nadmetanja može radi zaštite svojih prava, u roku od **10 (deset) dana** od prijema Odluke o kvalificiranosti ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.



**DOSTAVITI:**

1. LIBUSOFT CICOM d.o.o. Zagreb
2. a/a

Općina Novo Sarajevo, ulica Zmaja od Bosne br. 55, centrala telefon (387 33) 492 100  
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba  
Identifikacioni broj: 4200558710008 PDV broj: 200558710008 Porezni broj: 0170333000  
Depozitni račun 1411965320011288 Bosna Bank International d.d.

